

書



通德堂經解

尚書古文注

甘泉黃奭學

虞夏書

堯典

曰若稽古帝堯曰放勳

釋文云放勳如字

稽同也古天也

後漢書李固傳注義云鄭信緯訓稽為同訓

古為天

言能順天而行之與之同功

書正義李固傳

注引此句作言能同天而行者帝堯魏志引稽古同天言堯同于天也

欽明文思安安允恭克讓

敬事節用謂之欽照臨四方謂之明經緯
天地謂之文慮深通敏謂之思不懈于位
曰恭推賢尚善曰讓書正義

光被四表格于上下

言堯德光耀及四海之外至于天地所謂

大人與天地合其德與日月齊其明詩噫

義

克明俊德以親九族九族既睦

俊德賢才兼人者正義上自高祖下至立孫

凡九族釋文睦親也後漢書班固傳注

辨章百姓

辨別也章明也後漢劉向傳注百姓羣臣之父子

兄弟史記五帝紀集解

乃命羲和欽若昊天厯象日月星辰書正義云鄭以

星辰為一

高辛氏之世命重為南正司天犁為火正

司地書正義引堯育重犁之後羲氏和氏

之子賢者使掌舊職天地之官亦紀於近

命以民事其時官名蓋曰稷司徒周禮正義序

此命羲和者命為天地之官下云分命申

命為四時之職天地之於四時於周則豕

宰司徒之屬六卿是也正義

分命羲仲

官名蓋春為秩宗夏為司馬秋為士冬為

共工通稷與司徒是六官之名見也仲叔

亦羲和之子周禮疏序堯既分陰陽為四時命

羲仲和仲羲叔和叔等為之官又主方岳

之事是為四岳聖賢羣輔錄掌四時者字曰仲

叔則掌天地者其曰伯乎周禮正義序

寅賓出日辨秩東作周禮馮相氏注引此經四平字並作辨知鄭本

也然

寅賓出日謂春分朝日作生正義

日中星鳥以殷仲春

日中者日見之漏與不見者齊也詩東方未明正

義周禮挈壺氏疏詩正義連言星鳥鶉火

宵中也字依東方未明正義增星鳥鶉火

之方詩七月正義星鳥星火謂正在南方春分

之昏七星中仲夏之昏心星中秋分之昏
虛星中冬至之昏昴星中皆舉正中之心
不為一方盡見舉仲月以統一時正義殷中

也釋文春秋言温凉也文選陸士衡樂府注

辨秩南譌譌今作訛此見馮相氏泣

夏不言曰明都三字王氏輯本此下有者字摩滅也

正義

日永星火以正仲夏

日長者日見之漏五十五刻又見書正義日不

見之漏四十五刻此九字依東方未明正義增於四時

最長也周禮挈壺氏疏東方未明正義引日長至四十五刻二十字月令正

義引日見至四十五刻十六字無下日字史記五帝紀注引五十五刻四字司

馬之職治南岳之事得則夏氣和夏至之

氣昏火星中星鳥鶉火之方星火大火之

屬虛立武中虛宿也昴白虎中宿也以其

東方南方皆三次鶉火大火居其中西方

北方俱七宿虛星昴星居其中每時總舉

一方故指中宿與次而互言之耳其實仲

夏之月大火之次亦未中也詩七月實中正義

鳥獸希革

夏時鳥獸毛疏皮見詩斯于司馬其中西

度西曰昧谷度今作宅此見周禮縫人注案縫人注引此句作度西曰柳穀

知鄭注尚書不作柳穀者三國志虞翻傳注引翻奏鄭解尚書違失事云古大篆而字讀當為柳古柳耶同字而以爲昧然則鄭注縫人特引夏侯等書文釋柳義非其所注書文

如此也其宅之作度案古文尚書度字皆作宅古文宅字今文皆作度

日寅餞納

西者隴西之西今人謂之兌山史記五帝紀注劉昭

後漢郡國志注寅餞納日謂秋分夕月正義

宵中星虛

夜中者日不見之漏與見者齊周禮挈壺氏疏禮記

月令正義

鳥獸毳毼周禮司裘注

毼理也毛更生整理司裘疏

日短星昴

日短者日見之漏四十五刻又見書於四正義

時最短周禮挈壺氏疏禮記月令正義

字

厥民奧

奧內也文選蕭白馬賦注

以閏月定四時成歲

以閏月推四時使啟閉分至不失其常著

之用成歲歷將以授民時且記時事公羊傳隱

元年疏

帝曰疇資若時登庸

堯末時羲和之子皆死庶績多闕而官廢

當此之時驩兜共工更相薦舉周禮正義序詩崧高

正義引此作堯之末年庶績多闕羲和之子則死矣

胤子朱啟明

帝堯胤嗣之子名曰丹朱開明也史記五帝紀正

義書正義引此注作帝之胤子曰朱也

共土方鳩僉功

共土水官也周禮正義序史記五帝紀集解引此也作名其人

名氏未聞先祖居此官故以官氏也正義正

四岳

四岳四時之官主四岳之事

史記五帝紀集解所引止

此始義和之時主四岳者謂之四伯至其

死分岳事置八伯皆王官其八伯唯驩兜

共工放齊鯀四人而已其餘四人無文可

知周禮正義序詩崧高正義引此作於時

事之

僉曰於

於者烏聲

詩文王正義

方命圮族

釋文云方鄭音放

方放謂放棄教命

正義

异哉

釋文云异鄭音異

汝能庸命異朕位

言汝諸侯之中有能順事用天命者入

一本

作處我位統治天子之事者乎

史記五帝紀集解

師錫帝

師諸侯之師

正義

曰虞舜

虞氏舜名

正義

我其試哉今尚書此句上有帝曰字正義云馬鄭王本說此經皆無帝曰

試以為臣之事正義正

女于時

不言妻者不告其父不序其正正義正

慎徽五典

五典五教也蓋試以司徒之職史記五帝紀集解

賓于四門正義云鄭以賓為擯王氏云應麟案賓古文擯見鄉飲酒禮注蘇秦

傳必長賓之義作擯

舜為上擯以迎諸侯正義正

納于大麓

麓山足也釋文

三年今尚書作三載

三年者賓四門之後三年也史記五帝紀集解

正月上日受終於文祖

帝王易代莫不改正建朔二字依史記正義增堯正

建丑史記正義無此四字舜正建子此時未改堯正

故云此四字史記正義作故依堯三字誤正月上日史記五帝紀正

義引即位王氏本乃改堯正故云月正元

日正義文祖者五府之大名猶周之明堂史記

五帝紀集解

在璿璣玉衡以承七政文選運命論注

轉運者為機持正者為衡隋天文志上引

此二句首並有其字宋天文志一引此二句無兩者轉作動璿璣玉衡

渾天儀也二志考索引皆以玉為之五字

志七政日月五星也史記五帝集解注二

以機衡宋志無視其行度觀受禪是非隋志

作以觀也宋天文志一隋天文志上

天意山堂考索別集卷十七

肆類于上帝

禮祭上帝于圜丘史記五帝紀集解

禋于六宗

禋煙也取其氣達升報于陽也通典吉六禮六宗

宗言禋與祭天同名則六者皆天神謂星

辰司中司命風師或作雨師也正義無也

紀注所星謂五緯也辰謂日月所會十二

次也司中司命文昌第五第四星也風師

箕也雨師畢也正義後漢祭

徧于群神

徧以尊卑次秩祭之此司又見詩般正義群神邱陵

墳衍之屬詩時邁正義史記五帝紀集解引末句作若邱陵墳衍

歲二月東巡守至于岱宗柴望秩于山川遂

觀東后遂今尚書作肆周禮大行人注引作遂協時月正日同

律度量衡修五禮五玉三帛二生一死贄如

五器卒乃復五月南巡守至于南岳如岱禮

八月西巡守至于西岳如初十有一月朔巡

守至于北岳如初今尚書作如西禮釋文云馬本作如初案鄭注本即

馬本也歸格于藝祖用特

歲二月者正歲建卯之月也此五字又見史記五帝紀

集解巡守者行視所守也岱宗者東嶽名也

柴者考績燔柴公羊疏疏作考績燎也此從儀禮觀禮疏史記五帝紀

紀集解引此句作柴祭東岳者考績柴燎也望秩于山川者徧

以尊卑祭之五嶽視三公四瀆視諸侯其

餘小者或視卿大夫或視伯子男矣秩次

也東后東方之諸侯也公羊傳隱八年疏協正四

時之月數及日名備有失誤者協正巳下又見五帝

紀集解末 其節氣晦朔恐諸侯有不同故

因巡守而合正之通典巡狩篇同陰律呂陽律

也此句疏不引見釋文五帝紀集解引此句作律音律度丈尺量斗

斛衡斤兩也此十字又見史記集解公羊疏無也字稱上曰

衡文選六代論注五禮公侯伯子男朝聘之禮矣

宗伯序官疏引此五玉即五瑞也疏作瑞句無朝聘矣三字

五帝紀注紀注執之曰瑞陳列曰玉也五帝紀注無三字

帛所以薦玉也受瑞玉者以帛薦之帛已

九字五帝紀注無必二者高陽氏之後用赤繪高

辛氏之後用黑繪其餘諸侯皆用白繪五帝

紀注引五玉至此兩之後並無之字書正

義止引執之曰瑞陳列曰玉八字禮記曲

禮正義無皆字曲禮正義無諸侯皆三字詩

生民正義止引高辛周禮改之為纁也二

生一死贄者羔雁生也詩匏有苦葉正義引此句作二生納

也羔二卿大夫所執雉死士所執也贄之言

至所執以自至也此十字見書正義公羊疏無如者以

物相授與之言授贄之器有五卿大夫上

士中下士也器各異飾飾未聞所用也周

周禮改之飾羔雁飾雉執之而已皆去器

卒已也復歸也巡守禮畢乃反歸矣每岳

禮畢而歸仲月乃復更去此十二字見書正義公羊疏不

引每歸用特牛告于文祖矣禮記王制正義引此句作

每歸格于祖南岳衡山見周禮大司樂疏公羊疏無五月不

言初者以其文相近八月十一月言初者

文相遠故也公羊傳隱八年疏藝祖文祖猶周之

明堂詩我將正義每歸用特者明每一岳即歸

也如尚書王制之文所以不一岳之後而

云歸者因明四岳禮同使其文相次是以

終巡狩之後乃始云歸耳通典巡守篇

五載一巡守羣后四朝

四朝四季朝京師也釋文巡守之年諸侯朝

史記集解作見于方岳之下其間四年四方諸侯

分來朝于京師歲徧是也史記五帝紀集解師下有也字

未四字見禮王制正義

肇十有二州封十有二山濬川

舜以青州越海而分齊為營州冀州南北

大遠分衛為并州燕以北為幽州新置三州并舊為十二州也爾雅釋地釋文更為之定界

澹水害也史記五帝紀集解

象以典刑流宥五刑

五刑墨劓剕宮大辟小學紺珠治道正刑五加之

流宥鞭朴贖刑此之謂九刑周禮司刑疏其輕

王氏作疑者或流放之四罪是也正義

朴作教刑

朴檟楚也朴為教官為刑者史記五帝紀集解

眚災肆赦怙終賊刑

眚災為人作患者也過失雖有害則赦之怙其姦邪終身以為殘賊則用刑之史記

五帝紀集解

流共工于幽洲

幽洲北裔詩蓼蕭正義禹治水既畢乃流四凶

此九字又見左傳襄二十一年正義舜不刑此四人者以為

堯臣不忍刑之書正義案正義云鄭具引左傳之文乃云命驩兜舉

共工則驩兜為渾敦也其工為窮奇也蘇為檣杙也而三苗為饕餮亦可知

關四門

卿士之職使為已出政教於天下言四門者亦因卿士之私朝在國門魯有東門襄仲宋有桐門右師是後之取法於前也

義衣正

柔遠能邇

能恣也詩民勞正義民勞釋文釋文不著篇題正義則誤以為無逸注檢無

逸無能邇之文也

熙帝之載

載行也正義

伯禹作司空

初堯冬官為共工舜舉禹治水堯知其有

聖德考工疏無其字必考工疏下成功故

考工疏改命司空以官名籠此二字考異

之非常官也至此五字考禹登百揆之任

舍司空之職為共工與虞故曰垂作共工

益作朕虞周禮正義序考工記疏考工疏

名共工

讓于稷契

稷弃也初堯天官為稷周禮疏序舜登用之年

舉弃為之正義時天下賴后稷之功故以

官名通稱正義

俞汝往哉

然其舉得其人汝往居此官不聽其所讓

也

史記五帝紀集解

帝曰弃黎民祖飢汝后稷播時百穀

案史記注云今

文尚書作祖飢知鄭本不作阻

阻讀曰俎阻厄也

王氏云當云祖讀為阻阻馬本作祖云始也馬

訓為始鄭訓為厄若然則正義自宋本已誤矣

時讀曰時

此四字又見史

記五帝紀注

始者洪水時眾民厄於飢汝居稷

官種蒔五穀以救活之

詩思文正義

五品不遜

五品父母兄弟子也

史記五帝紀集解

敬敷五教

舉八元使布五教契在八元中

詩生民正義

蠻夷猾夏寇賊姦軌汝作士

猶夏侵亂中國也

史記五帝紀集解

強聚為寇殺

人為賊由內為姦起外為軌

周禮司刑疏下二句又見

史記集解

士察也主察獄訟之事

書正義

五服三就五流有宅五宅三居

三就原野也市朝也甸師氏也

正義

宅讀曰

咤懲艾之器謂五刑之流皆有器懲艾五

咤者是五種之器謂桎一梏二拳三

禮記王制

正三居者自九州之外至于四海三分其

地以為遠近若周之夷鎮蕃也

書正義又立政正義

王制正義引此作三居謂周之夷服鎮服蕃服

惟明克允

此三官是堯時事舜因禹讓述其成功

周禮

疏序

禹曰益哉

今尚書作兪曰正義云鄭本為禹曰益哉

汝作朕虞

言朕虞重鳥獸草木

正義

有能典朕三禮

天事地事人事之禮也

史記五帝紀集解

汝作秩宗

主秩尊卑

史記五帝紀集解

教胄子

國子也

史記五帝紀集解

胄子國子也古者司樂

以教國子

御覽樂部一雅樂上

詩言志歌永言聲依永律和聲

詩所以言人之志意也永長也歌又

又字依關

唯序正義引此句增

所以長言詩之意聲之曲折又

依長言而為之

此三字史集解無

聲中律乃為和

也

詩譜序正義史記五帝紀集解引歌所以長言已下也字依集解增

神人以和

祖考來格羣后德讓其一隅也

史記五帝紀集解

震驚朕師命汝作納言

所謂色取仁而行違是驚動我之眾臣使

之疑惑

史記五帝紀集解

納言如今尚書管主喉

舌也

北堂書鈔尚書

汝二十有二人

自咨十有二牧至帝曰龍皆月正元日格

于文祖時所救命也

書正義史記五帝紀集解引皆格于文祖

時所救命也十字案孔傳以禹垂益伯夷夔龍四岳十二牧為二十二人正義云鄭

以為二十二人數及戕伯與朱虎熊羆不數四岳

分北三苗

北猶別也

三國志吳虞翻傳注

流四凶者卿為伯子

大夫為男降其位耳猶為國君故以三苗

為西商諸侯猶為惡乃復分北

史記五帝紀集解引

作流之謂分北西裔之三苗也

正義

舜生三十登

今作徵此見正義

庸二十

今作三十亦見正義在

位五十載陟方乃死

舜生三十謂生三十年也登庸二十謂歷

試二十年在位五十載陟方乃死謂攝位

至死為五十年舜年一百歲也

正義

咎繇謨

曰若稽古咎繇曰

正義云鄭以咎繇下屬為句

惇敘九族庶民明厲翼邇可遠在茲

惇厚也

後漢班固傳注

庶眾也厲作也

此三字又見正義

敘次序也次

此字依史記集解增

序九族而親之以

衆明作羽翼之臣也

三國志蜀先主傳注引止此臣作親正義

引末句明上有賢字臣下無也字羽作此輔史記集解引與正義同而輔作羽

政由近可以及遠也

史記夏本紀集解引自次序九族已下文

何憂乎驩兜何遷乎有苗何畏乎巧言令色

孔壬

禹爲父隱故言不及鯀

史記夏本紀集解書正義下五字作

故不言鯀

亦行有九德亦言其人有德

凡人之性有異有其上者不必有下有其

下者不必有上上下下相協乃成其德

正義

寬而栗柔而立愿而恭亂而敬擾而毅直而

溫簡而廉剛而塞彊而義

寬謂度量寬洪柔謂性行和柔擾謂事理

擾順三者相類卽洪範云柔克也愿謂容

貌恭正亂謂剛柔治理直謂身行正直三

者相類卽洪範云正直也簡謂器量凝簡

剛謂事理剛斷強謂性行堅強三者相類

即洪範云剛克也而九德之次從寬而至

剛也惟擾而毅在愿亂之下耳其洪範三

德先人事而後天地與此不同書正義擾馴

也致果曰毅三國志蜀黃李呂馬王張傳評注必烈歸於

彰厥有常吉哉

人能明其德行所行使有常則成善人矣

正義正

日宣三德

三德六德皆亂而敬以下之文正義正

俊又在官

才德過千人為俊百人為义正義正

庶績其疑

疑成也正義正

自我五禮有庸哉

五禮天子也諸侯也卿大夫也士也庶民

也正義正

同寅協恭和衷哉

并上典禮共有此事正義正

五服五章哉

五服十二也九也七也五也三也

周禮小宗伯疏

禮記王制正義

天聰明自我民聰明

天之所謂聰明有德者由民也言天所善

惡與民同

詩烝民正義

天明威自我民明威

今作天明畏此見周禮鄉大夫注

予未有知思曰贊贊襄哉

贊明也襄之言揚言我未有所知所思徒

贊明帝德揚我忠言而已謙也

正義

下民昏墊

昏沒也墊陷也禹言洪水之時人有沒陷

之害

正義

濬畎澮距川

畎澮田間溝也

史記夏紀集解

澮所以通水於川

也

文選長笛賦注

暨稷播奏庶艱食蠶食

釋文云艱馬本作根云根生之食謂百穀

案鄭注義不同

禹復正義無此二字與稷教民種澤物菜蔬艱厄

之食正義引此授以水之象蠶食謂魚鼈也

詩思文正義

烝民乃粒萬邦作乂詩思文釋文云乂鄭注尚書五蓋反

粒米也乂養也眾民乃復粒食萬國作相

養之禮詩思文正義

安汝止

定汝之所止無妄動動則擾民史記夏紀集解

天其申命用休

天將重命汝以美應謂符瑞也史記夏紀集解
臣哉鄰哉鄰哉臣哉

臣哉汝當為我鄰哉鄰哉汝當為我臣哉
反覆言此欲其志心入再

臣作朕股肱耳目

動作視聽皆由臣也正義

予欲觀古人之象日月星辰山龍華蟲作續

宗彝藻火粉米黼黻希繡續今作會希今作縹案此見周禮司

服注

績讀曰繪此四字見文選景福殿賦注正義作會讀為繪宗彝謂

宗廟之鬱鬯樽也故虞夏以上蓋取虎彝

雖彝而已粉米白米也希讀為王氏本術

術紘也自日月至黼黻凡十二章天子以

飾祭服凡畫者為繪刺者為繡此繡與繪

各有六衣用繪裳用繡至周而變之以三

辰為旂旗謂龍為袞宗彝為毳或損益上

下更其等差書正義釋文引鄭云宗彝虎也繡刺也考工記疏引絺紘

也謂刺繡於裳八字左傳桓二年正義引鄭云有虞氏十二章自日月而下至周而

日月星辰畫于旂旗又登龍于山登火于

宗彝冕服自九章而下又昭二十五年正

義引鄭云讀會為繪謂畫也絺為繡謂刺

也宗彝謂虎雌也周禮宗廟彝器有虎彝

雌彝故以宗彝名虎雌也周禮有袞冕鷩

冕毳冕其袞鷩者各是其服章首所畫

舉其首章以名服耳袞是袞龍也袞冕九

章以龍為首鷩是華蟲也鷩冕七章以華

蟲為首毳是虎雌也毳冕五章以虎雌為

首虎毛淺雌毛深故以毳言之毳亂毛也

華蟲五色之蟲周禮績人職曰鳥獸蛇雜

後漢典服志

四時五色之位以章之是也

以五采彰施于五色作服

性曰采施曰色正義左傳昭二未用謂之

采已用謂之色

禮月令正義

作服者此十二章

為五服天子備有焉公自山龍而下侯伯

自華蟲而下子男自藻火而下卿大夫自

粉米而下

正義周禮小宗伯疏引此十二章天子備有公自山而下十三

字

予欲聞六律五聲八音在治名以出納五言

名今尚書作忽

六律六呂言六律者舉陽陰從可知也

正義

名者臣見君所秉書思對命者也君亦有

焉以出納政教於五官

史記夏紀集解

欽四鄰

四鄰左輔右弼前疑後承

正義四鄰作四近

罔晝夜頌頌罔水行舟

丹朱見洪水時人乘舟今水已治猶居舟

中頌頌使人推行之

正義

朋淫于家

朋淫淫門內

史記夏紀集解

娶于塗山辛壬癸甲

登用之年始娶于塗山氏三宿而為帝所

命治水正義

予不子

釋文云子鄭將吏反不今作弗案樂記子諒注云子讀如不子之子正義

引此子弗子釋之是鄭本弗作不與史同

惟荒度土功邛成五服至于五千州十有二

師外薄四海咸建五長各迺有功

荒奄也奄大九州四海之土敷土既畢廣

以上十六字見詩殷武正義

輔五服而成之至于面方

殷武正義

各五千里四面相距為方

殷武正義

無方字萬里州十有二師二千五百人為師

師長也

此三句見釋文

九州州立十二人為諸侯

師以佐牧

此十四字又見蓼蕭正義而師上有之字牧上有其字

外

則五國立長使各守其職

此十一字見詩蓼蕭正義堯

初殷武正義制五服服各五百里要服之

無初字內方殷武正義

四千里曰九州其外荒服

曰四海此禹所受地記書曰崑崙山東南

地方五千里名曰神州者

此禹以下二十三字殷武正義

不禹所

正義無所字依殷武正義引增

弼五服之殘數亦

每服者合者合當五百里故有萬里之界

萬國之封殷武正義無此四字焉詩殷武正義引止此禹弼成

五服去王城五百里曰甸服其弼當侯服

去王城千里其外五百里為侯服當甸服

去王城一千五百里其弼當男服去王城

二千里又其外五百里為綏服當采服去

王城二千五百里其弼當衛服去王城三

千里又其外五百里為要服與周要服相

當去王城三千五百里四面相距為七千

里是九州之內也要服之弼當其夷服去

王城當四千里又其外五百里曰荒服當

鎮服其弼當藩服去王城五千里禹弼成已下至

此見禮記王制正義猶用要服之內為九州州更方

七十里七七四十九得五千里者四十九

其一以為圻內餘四十八八州分而各有

六州更已下三十六字見蓼蕭正義春秋傳曰禹朝群臣

于會稽執玉帛者萬國此十三字又言執見王制正義

玉帛者則九州之內諸侯也其制特置牧

以諸侯賢者為之師蓋百國一師州十有

二師則州千二百國也書正義計一州方百

里之國二百七十里之國四百五十里之

國八百計一州有一千四百國以二百國

為名山大川不封之地餘有一千二百國

詩蓼蕭正義路八州凡王制正義九千六

百國其餘四百國在圻內王制正義引蓋

舉王制之法準之八州通率封公侯百里

之國者一伯七十里之國二子男五十里

之國四方百里者三封國七有畸百里以

又見王制正義案封國七正義本作至于

圻內則子男而已書正義又蓼蕭正義引

又四百國在圻內以子男備其數

咎繇方祗厥敘方施象刑惟明

歸美於二臣正義

夔曰夏擊鳴球搏拊琴瑟以詠祖考來格虞

賓在位群后德讓下管鼗鼓合止柷敔笙鏞

以閒鳥獸膾膾簫韶九成鳳皇來儀見大司

夏櫟也夏擊也球以下數器書正義引作夏擊鳴球三

者皆摠下樂櫟擊此四器也鳴球即玉磬也磬懸也而

以合堂上之樂玉磬和尊之也磬懸以下十六字見

書正義周禮疏無搏拊以韋為之裝之以糠王氏本此

下有形如小鼓四字案周禮疏無所以節樂云以詠者謂

歌詩也祖考來格謂祖考之神來至也大司

樂疏止神來至也四字虞賓在位者謂舜以為賓即

二王後丹朱也云羣后德讓者謂諸侯助

祭者以德讓已上皆宗廟堂上之樂所感

也云下管鼗鼓已下謂舜廟堂下之樂故

言下云合止祝啟者合樂用祝祝狀如漆

笛中樂師疏作而有推搖之所以節樂樂師疏引作合

之者投椎其中而搖之詩有磬正義與樂師疏同其上有于字啟狀如伏

虎背有刻有磬正義作以物櫟之所以止

樂樂師疏作所以鼓謂之止樂師疏有磬正義

引自祝狀如漆止此東方之樂謂之笙笙生也東方

生長之方故名樂為笙也西方之樂謂之

鏞庸功也西方物熟有成功亦謂之頌頌

亦是頌其成也以閒者堂上堂下閒代而

作鳥獸鶩鶩謂飛鳥走獸鶩鶩然而舞也

簫韶舜所制樂也樂備作謂之成已上十

公羊傳哀十四年疏周禮疏止韶舜樂也四字成猶終也每曲一

終必變更奏此十二字若樂九變人鬼可

得而禮故致得來儀乘匹謂致得雄曰鳳

雌曰皇來儀止巢而乘匹大司樂大合樂疏大司樂凡六

樂疏作儀匹止巢而孕乘匹詩卷阿正義引此句作言其相乘匹公羊哀十四年疏又引簫韶作九備而鳳皇乃來儀止巢乘匹十五字

夔曰於予擊石拊石百獸率舞庶尹允諧

夔語舜云磬有大小予擊大石磬拊小石

磬則感百獸相率而舞周禮大司樂疏石磬也百

獸服不氏所養者謂聲音之道與政通焉

公羊傳哀十四年疏百獸八字又見史集解者下有也字率舞言音和

也史記五帝紀集解庶衆也尹正也允信也言樂

之所感使衆正之官信得其諧和周禮大司樂疏

帝庸作歌曰勅天之命惟時惟幾

戒臣正義

念哉

使羣臣念帝之戒

史記夏紀集解

乃賡載歌

載始正義

元首叢脞哉

叢脞總聚小小之事以亂大政

正義

禹貢

禹傅土

今作敷土此見周禮大司樂注彼疏云案禹貢云敷土似鄭注尚書本字

亦作敷矣據馬本作敷鄭多依馬本容亦作敷但周禮注引作傳豈用大戴禮文邪故依

彼注作傳而識其疑至彼疏云敷布也布治九州之水土賈不稱鄭注似是賈依孔傳釋

注之語非鄭氏注王氏誤以為注而錄之茲不載 隨山刊木

必隨州中之山而登之除木為道以望觀

所當治者則規其形而度其功焉正義

冀州既載

兩河間曰冀州

史記夏紀集解公羊莊十年疏

不書其界

者時帝都之使若廣大然

正義公羊莊十年疏載之

言事事謂作徒役也

此十字又見公羊疏而在兩河句上禹

知所當治水又知用徒之數則書

王氏本此下有

之於策以告帝徵役而治之載之至此見正義

壺口治梁及岐

地理志壺口山在河東北屈縣之東南梁

山在左馮翊夏陽岐山在右扶風美陽西

北史記夏紀索隱及集解引並至美陽止

無縣之東南四字二南譜正義於此言治

引岐山在扶風美陽西北九字

梁及岐者蓋治水從下起以襄水害易也

既脩大原至于岳陽覃懷底績至于衡漳

此二十字見正義

岳陽大原之南唐譜正義陽下衡漳者漳

水橫流入河上三字依邯鄲衛譜正義引

於地理志大原今以為郡名大岳在河東

故縣彘東名霍大山疏無於以故三字以

作唐譜正義引補彼正覃懷為縣名屬河

內漳水出上黨沽大黽谷東北至安平阜

城入河周禮職方氏疏漳水至入河十八

史記夏紀注引懷縣屬河內五衡漳在肥

鄉縣御覽州郡

厥賦惟上上錯厥田惟中中

此州入穀不貢賦之差一井上上出九夫

稅上中出八夫稅周禮小司徒疏引此已上十五字上下

出七夫稅中上出六夫稅中中出五夫稅

中下出四夫稅下上出三夫稅下中出二

夫稅上中至此正義所無依王制正義補下一夫稅通

率九州一井稅五夫正義詩甫田正義引同王制正義引上上

至一夫地當陰陽之中能吐生萬物者曰

土據人功作力競得而田之則謂之田田

著高下之等者當為水害備也餘州先田

後賦此州先賦後田亦如境界殊於餘州

也正義

恒衛既從大陸既作

地理志恒水出恒水衛水在靈壽大陸澤

在鉅鹿史記夏紀集解未三字又見詩般正義通典州郡篇引作澤在鉅鹿

北爾雅釋地八藪晉有大陸周禮大司徒疏

鳥夷皮服今書作鳥夷

鳥夷東方史集解之民搏史集解食鳥獸

者正義史記夏紀集解

夾右碣石入于河

戰國策碣石在九門縣今屬常山郡蓋別

有碣石與此名同今驗九門無此山也禹

由碣石山西北行盡冀州之境還山東南

行入河治水既畢更復行之觀地肥瘠定

貢賦上下正義

濟河惟沈州

言沈州之界在此兩水之間史記夏紀集解公羊莊十

年疏引此無言字兩水之間作兩河間

九河既道

河水自上至此流盛而地平王氏本無岸

故能分爲九以衰其勢壅塞故通利之也

九河之名徒駭大史馬頰覆釜胡蘇簡絜

鉤盤鬲津周時齊桓公塞之同爲一河河字

依正今河間弓高以東至平原鬲盤正義

往往有其遺處焉詩般正義案書正義引周時已下至遺處無焉

字

雷夏既澤雍沮會同

雍今作濼此見周禮職方氏注

雍水沮水相觸而合入此澤中地理志曰

王氏本作云雷澤在濟陰城陽史記夏紀集解

桑土既蠶是降邱宅土

其地尤宜蠶桑因以名之今水之上地

有桑閒者詩邶鄘衛譜正義此州寘於山而夾州

兩大流之間遭洪水其民尤困水害既除

于是下邱居士以其免於厄尤喜故記之

正義

厥賦貞作十有三年乃同

年今作載釋文云馬鄭本作年

貞正也治此州正作不休十三年乃有賦

與八州同言功難也其賦下下史記夏紀集解或作

中下

厥貢漆絲厥篚織文

貢者百功之府受而藏之其實于篚者入

于女功故以貢篚別之正義肩征云厥篚玄

黃昭我周王堯典正義詩鹿鳴正義引土

織文織如貝文正義

浮于濟漯

地理志云漯水出東都東武陽史記夏紀集解

海岱惟青州

今青州界東自海西公羊疏無西字至岱東岳曰

岱山公羊莊十年疏史記夏紀注引無首四字詩齊譜正義引州界自海西至

岱七

濰淄其道

濰淄兩水名地理志云濰水出今琅玕箕

屋山淄水出泰山萊蕪縣原山詩齊譜正義史記夏

紀集解引自地理已下而無云今箕屋山五字

海濱廣斥

斥謂地鹹鹵釋文史記夏紀集解

海物惟錯

海物海魚也魚種類尤雜史記夏紀集解

浮于汶達于濟

地理志汶水出泰山萊蕪縣原山西南入

濟史記夏紀集解

海岱及淮惟徐州

徐州界又南至淮水公羊莊十年疏

淮沂其乂蒙羽其藝

淮沂二水名地理志沂水出今泰山蓋

蒙羽二山名周禮職方氏疏引淮沂至蓋縣史記夏紀集解引地理志

至山名無今字

大野既都今作豬東原底平

大野在山陽鉅野北名鉅野澤東原地名

今東平郡即東原史記夏紀集解

厥土赤磬墳載今作墳釋文云鄭本作磬

哉讀曰熾釋文熾赤也文選蜀都賦李注案考工記疏引尚書注

黏土也此訓墳非鄭注王氏誤錄

厥貢惟土五色

土五色者所以為大社之封史記夏紀集解

羽畎夏翟

羽山之谷詩節南山正義貢夏翟之羽周禮掌

嶧陽孤桐

地理志嶧山在下邳史記夏紀集解今下邳西葛

嶧山也御覽地部七

泗濱浮磬淮夷蠙珠暨魚厥篚玄纁縞

泗水出濟陰乘氏

史記夏紀集解案王氏本乘氏下有濱水涯中

中見石可以為磬十一字蓋因周禮川師疏引書注泗水涯水中見石可以為磬而

誤以為鄭注改泗作濱彼係孔傳茲故不錄淮夷淮水之夷民

也釋文史記夏紀集解引此句之夷作之上蠙珠珠名淮夷二

水出蠙珠與美魚周師川淮水之上夷民

獻此珠與魚也正義也祭服之材尚細

正義

淮海惟揚州

揚州界自淮而南至海以東也公羊莊十年疏

彭蠡既都今作陽鳥攸居

地理志彭蠡在豫章彭澤縣西史記夏紀集解今史

記本脫縣字南方謂都為豬史記夏紀陽鳥

鴻雁之屬隨陽氣南北詩匏有苦

三江既入

三江分於彭蠡為三孔東入海正義三江左

合漢為北江會彭蠡為南江岷江居其中

則為中江故書稱東為中江者明岷江至

彭蠡與南北合始得稱中也初學記地部

篠簜既敷

簟竹儀禮大射儀疏篠箭簟大竹也戴凱之竹譜注

厥貢惟金三品

金三品者銅三色也正義詩泮水正義引此無金字史記夏紀

集解引無上四字案禮記禮器正義云鄭以為金銀銅三品者三色也此與鄭義別與孔傳合疑今禮器正義本有錯文衍字當云鄭以為金三品者銅三色也

遂妄增銀耳

島夷卉服

此州下濕故衣草服貢其服者以給天子

之官正義

厥篚織貝厥苞橘柚錫貢苞今作包此見詩木瓜箋

貝錦名也正義無也字詩云萋兮萋兮史記集解無此

四成是貝錦凡為織者先染其絲乃織之

則文成矣史記集解引作織之即成矣禮記曰士不衣

織正義此七字有錫則貢之此州有錫而

貢之史集解無此七字或時無史集解作乏則不貢錫

所以柔金也夏紀集解引止此周禮考工記云攻

金之工掌執金錫之齊正義

松于江海松今作沿釋文云鄭作松

松當為沿釋文曰沿案釋文馬本作均與史記同

同裴氏注史記即順彼沿順水行也史記文改鄭注松為均耳

集解

荆及衡陽惟荊州

荊州界自荊山南至衡山之南公羊莊十年疏

江漢朝宗于海

江水漢水其流遄疾又合為一其赴海也

猶諸侯之同心尊天子而朝事之荆楚之

域國有道則後服國無道則先疆故記其

水之義以著人臣之禮正義詩沔水正義引此注云以著人

臣之禮見江漢吳楚有道後服無道先強故以著義四月正義作荆楚之域國無道

則先強有道則後服也

九江孔殷

殷猶多也九江從山谿所出其孔衆多言

治之難也地理志九江在今廬江潯陽縣

南皆東合為大江正義史記夏紀集解引地理志已下無今廬江

縣四

沱潛既道

水自江出為沱漢為潛

三國志吳孫權傳注史記夏紀集解

引水出江為沱漢為潛

今南郡枝江縣有沱水其尾

入江耳首不於江出也華容有夏水首出

江尾入沔蓋此所謂沱也潛則未聞象類

正義

標榦栝柏檠砥磬丹惟箇籥楛三邦底貢

今標

作栳此見考工記注

標榦栝柏四木名榦栝榦

周禮考工疏四木名三字又見

史記集解

柏葉松身曰栝

詩竹竿正義

檠磨刀刃石

也精者曰砥箇籥聆風也

史記夏紀集解文選長笛賦注

考工疏無也字

竹有二名或大小異也箇籥是兩

種竹也肅慎氏貢楛矢知楛中矢榦三物

皆出雲夢之澤當時驗之猶然經言三邦

底貢知近澤三國致此貢也

自礪磨刀刃至此見正義

楛木類周之始肅慎氏貢楛矢石磬此州

中生聆風與楛者衆多三國致之

考工記疏

厥名包匭菁茅

正義云鄭以厥名下屬

匭猶

史集解無猶字

纏結也菁茅茅

正義作之

有毛刺

者

釋文引此句作茅有毛刺曰菁茅

給周廟縮酒

正義無此五字

重之故既包裹而又纏結也

正義史記夏紀集解無既

而二

荆河惟豫州

豫州界自荆山而北至于河

公羊莊十年疏詩王城譜

正義詩正義無豫北二字公羊疏無于字

榮播既都

今作榮波既豬此見職方氏注

沅水溢出河

檜譜河作所

為澤也

此字依檜譜正義增今

塞為平地榮陽民猶謂其處為榮澤

此十五字

又見夏紀索隱民作人澤作播

在其

檜正義作汴

縣東

詩檜譜正義引

止此書正義引春秋魯閔二年衛侯及狄

人戰于榮澤此其地也

詩定之方中正義

被明都

今作孟豬此見職方氏注

孟豬澤在今虞城縣明都澤是

御覽州郡部五宋州

下土墳壚

壚疏

陳祥道禮書三十四

華陽黑水惟梁州

梁州界自華山之南至于黑水也

公羊莊十年疏

岷嶓既藝

地理志岷山在蜀郡湔氐道嶓冢山在漢

陽西

史記夏紀集解

沱潛既道

二水亦謂自江漢出者地理志在今蜀郡
郫縣江沱及漢中安陽皆有沱水潛水其
尾入江漢耳首不於此出江源有郫江首

出江南至犍為武陽又入江豈沱之類與

潛蓋漢西出嶓冢東南至巴郡江州入江

行二千七百六十里

書荊州正義

漢別為潛其

穴本小水積成澤流與漢合大禹自導漢

疏通即為西漢水也故書曰沱潛既道

水經

潛水注

蔡蒙旅平和夷底績

地理志蔡蒙在漢嘉縣

史記夏紀集解

和上夸所

居之地也和讀曰桓

釋文引此句桓作洹

地志曰桓

水出蜀郡蜀山西南行羌中者也水經桓

氏云案如淳漢書注曰陳宋之俗言桓聲如和故桓表或謂之和表東京賦云敘和

樹表是桓與和通

厥田惟下上錯厥賦下中三錯

三錯者此州之地有當出下下之賦者少

耳又有當出下上中下者差復益少正義

厥貢鏐鐵銀鏤鏐今作鏐

黃金之美者謂之鏐鏤剛鐵可以刻鏤也

史記夏紀集解

織皮西傾因桓是來浮于潛逾于沔

織皮謂西戎之國也西傾雍州之山也地

理志西傾山在隴西臨洮此十一字見史記夏紀集解

雍戎二野之間人有事於京師者道當由

此州而來桓是隴阪名其道盤桓旋曲而

上故名曰桓今其下民謂是阪曲為盤也

水經桓水注或謂漢為沔史記夏紀集解

黑水西河惟雍州

雍州界自黑水而東至于西河也公羊莊十年疏

詩韓奕正義疏無於字正義無地說或作

雍字無也字各依二書所引增地說

云三危山黑水出其南

史記夏紀索隱

弱水既西

衆水皆東此水獨西流

又見史記夏紀集解此下無水字流

下有故記其西下也正義

涇屬渭汭

涇水渭水發源皆幾二千里然而涇小渭

大屬于渭而入于河地理志云涇水出今

安定涇陽西并頭山東南至京兆陽陵行

千六百里入渭詩谷風正義史記夏紀集解引地理志涇水出安定

涇陽十字汭之言內也蓋以人皆南而望水則

北為汭也且涇水南入渭而名曰渭汭知

水北曰汭言治涇水使之入汭亦是從故

道也正義

終南敦物敦今作淳至于鳥鼠

地理志終南敦物皆在右扶風武功也史記

夏紀謂終南敦物二山西出至于鳥鼠山

集解御覽地部

三終南山

尚書古文注

四

原隰底績至于都野今作豬野

詩云度其隰原卽此原隰是也原隰幽地

從此致功西至都野之澤也正義底致也績

功也後漢王景傳注地理志都野在武威名曰休

屠澤史記夏紀集解

三危旣宅

河圖及三字見史記地記索隱云三危之山

在鳥鼠之西索隱無兩之字南與岐山相連正義

當岷山索隱引止此則在積石之西南正義

厥貢惟璆玕琅玕璆玕今作球琳此見詩韓奕箋及彼釋文

璆美玉也玕美石也琅玕珠也詩韓奕正義又韓奕

釋文引上二句玉下無也字

至于龍門西河

龍門山名也

織皮昆侖析支渠搜西戎卽敘

衣皮之民居此昆侖析支渠搜三山之野

者皆西戎也正義史記索隱引此注民作人無此之野者也五字皆下

有在別有昆侖之山非河所出者也正義

道汧及岐

汧今作岍釋文云又作汧

地理志汧在右扶風也

史記夏紀集解

四列道汧

為陰列西傾為次陰列嶓冢為次陽列岷

山為正陽列

正義索隱云鄭分四列汧為陰列西傾次陰列嶓冢為陽

列岐山次陽列與正義不同

西傾朱圉鳥鼠至于太華熊耳外方桐柏至

于陪尾

地理志朱圉在漢陽南太華山在弘農華

陰南熊耳在盧氏東外方在潁川嵩高山

桐柏山在南陽平氏東南陪尾在江夏安

陸東北若橫尾者

史記夏紀集解

熊耳外方屬豫

州

詩陳譜檜譜正義

道嶓冢至于荆山內方至于大別

地理志在荆山南郡臨沮內方在竟陵名

立章山大別在廬江安豐縣

史記夏紀集解正義止引

大別句

道弱水至于合黎餘波入于流沙

地理志弱水出張掖

史記夏紀集解

地說合黎山

在酒泉會水縣東北史記夏紀索隱凡言道者發

源于上未成流凡言自者亦發源于上未

成流自道弱水以下言過言會者皆是水

名言至于者或山或澤皆非水名正義地理

志流沙居延西北名居延澤地記曰弱水

西流入合黎山腹餘波入于流沙通于南

海史記夏紀集解

道黑水至于三危

地理志益州滇池有黑水祠而不記此山

水所在地記曰三危山在鳥鼠之西南通典

無山字史記夏紀集解引止此南當岷山又在積石之西

南當黑水祠黑水出其南脇通典州郡五引三危已下

至此今中國無也正義

東至于砥柱今作砥柱

地說河水東流貫砥柱觸闕流今世所謂

砥柱者蓋乃闕流也砥柱當在西河未詳

也水經河水注四

東過洛汭至于大伾

地喉也流宋本出伍際矣然則大伍在河

內脩武武德之界正義引大伍在脩武武德之界九字漢溝洫志

注引在脩武濟沅之水與滎播澤出入自

武德界六字此水經河山一成爲伍漢溝洫志注

北過降水至于大陸

地說云大河東北流過絳水千里至大陸

爲地腹如志之言大陸在鉅鹿地理志曰

水在安平信都南南字依史集解增史記

水在信都鉅鹿與信都相去不容此數也南九字

水土之名變易世失其處見降水則以爲

絳水故依而廢讀或作絳字非也今河內

共縣北共山共縣二字依正義增淇水共水出焉東

至魏郡黎陽縣此字亦依正義增入河近所謂降

水也降讀當如郟降于齊師之降蓋周時

國於此此字依正義增地者惡言降故改謂此字依正義增

之共耳又今河所從去大陸遠矣館陶

北屯氏河其故道與水經濁漳水注正義

江反聲轉爲共河內共縣淇水出焉東至魏郡黎陽縣入河北近降水也周時國於

此地者惡言降水改謂之共此孔氏撮引非其本文王氏乃舍水經注而載正義舛矣

又北播為九河同為逆河

播猶散也同合也

詩般正義

下尾合曰逆河言

相承受矣

水經河水注五正義引作下尾合名為逆河言相向迎受般正義引作下尾合為逆同言相迎受史記夏紀集解引作下尾合名曰逆河言相逆受也

也

嶧冢道瀆東流為漢

漢今作漾

地理志瀆水出隴西氏道至武都為漢至

江夏謂之夏水

史記夏紀集解

又東為滄浪之水過三澨

滄浪之水今謂之夏水來同故世變名焉

水經夏水注疑有脫誤

滄浪為夏水即漢河之別流

也漁父歌曰滄浪之水清兮可以濯吾纓

是此水也

史記夏紀索隱

三澨水名也

水經三澨注

在

江夏竟陵之界

史記夏紀集解

東匯澤為彭蠡

匯回也漢與江鬪轉東成其澤矣

水經河水注中

初學記地部下引漢與江關轉東成澤八字

又東至于醴醴今作禮

醴陵名也大阜曰陵史記夏紀集解今長沙郡有

醴陵縣夏紀集解引此其以陵名為縣乎

正義

東池北會于匯

東池者為南江正義

東為中江

左合漢為北江右會彭蠡為南江岷江居

其中則為中江初學記地理中

道沅水東流為濟入于河溢為滎

地理志沅水出河東東垣王屋山東至河

內武德入河洑為滎史記夏紀集解

東出于陶邱北

地理志陶邱在濟陰定陶王氏本下有縣字西北

史記夏紀集解

道渭自鳥鼠同穴

鳥鼠之山有鳥焉與鼠飛行而處之又有

止而同穴之山焉是三山也鳥名爲餘似

鷄而黃黑也鼠如家鼠而短尾穿地而共

處鼠內而鳥外水經鳥鼠同穴山注王氏本又載渭水注地說曰鳥

鼠山同穴之枝幹也十二字案彼注不稱鄭玄故不錄

庶土交正底慎財賦咸則三壤成賦

衆土美惡及高下得其正矣亦致其貢篚

慎奉其財物之稅皆法定制而入之也三

壤上中下各三等也史記夏紀集解

中邦錫土姓祇台德先不距朕行

中卽九州也天子建其國諸侯胙之土賜

之姓命之氏其敬悅天子之德旣先又不

距違我天子政教所行史記夏紀集解

五百里甸服百里賦納總二百里納程三百

里納秸服四百里粟五百里米

甸服者堯制賦其田使入穀禹弼其外百

里者賦入總謂入刈禾也二百里銍銍斷

去稾也三百里秸秸又去穎也四百里入

粟五百里入米者遠彌輕也甸服之制本

自納總禹為之差使百里者從之耳詩甫田正

義生民正義引銓斷去稟也稭又去穎九字禮記禮器正義云總謂所刈禾也銓謂刈禾穗也稭謂禾去其實唯稟此周為王

畿其邶當侯服在千里之內詩齊譜正義

五百里侯服

侯服為甸服為上似脫於周二字其邶當男服在二

千里之內詩齊譜正義

五百里綏服

綏服於周為采服其邶當衛服在三千里

之內詩齊譜正義

五百里要服

要服於周為蠻服其邶當夷服在四千里

之內詩齊譜正義

二百里蔡

蔡之言殺滅殺其賦正義

五百里荒服三百里蠻

荒服於周為鎮服其邶當蕃服在五千里

之內詩齊譜正義荒服既不役作其人又不賦

其田事也蠻者聽從其俗羈縻其人耳故

云蠻蠻之言縉也正義每言五百里一服者

是堯舊服每服之外更言三百里二百里

者是禹所弼之殘數也堯之五服服五百

里耳禹平水土之後每服更以五百里輔

之是五服服別千里故一面而為差至於

五千也詩殷武正義堯之時土廣五千里禹弼

成五服土廣萬里詩天作正義五服服別五百

里是堯之舊制又禹弼之每服之間更增

五百里而別至於五千里為方萬里地倍

於堯正義

朔南暨

朔北方也史記夏紀集解南北不言所至容踰之

正義

甘誓

大戰于甘乃召六卿王曰嗟六人之人

天子之兵故曰大正義后稷司徒秩宗司馬

士共工為六卿路史疏仡紀夏后下六卿者六軍之

將詩械樸正義周禮六軍皆命卿則三代同矣

禮記曲禮正義變六卿言六事之人者言軍吏

下及士卒也正義正

予誓告汝

誓戒要之以刑重失禮也正義正

有扈氏

有扈與夏同姓正義正

威侮五行怠弃三正

五行四時盛德所行之政也威侮暴逆之

三正天地人之正道史記夏紀集解

左不攻于左右不攻于右

左車左右車右史記夏紀集解

商書

湯誓

有衆率怠弗協曰時日曷喪予及汝皆亡

桀見民欲叛乃自比於日曰是日何嘗喪

乎日若喪亡我與汝亦皆喪亡引不亡之

徵以脅恐下民也正義正

予其大賚汝

賚賜也

史記殷紀集解

予則孥戮汝

大罪不止其身又孥戮其子孫周禮曰其

奴男子入于罪隸女子入于春槩

正義

般庚

盤庚遷于般

祖乙為湯元孫七世也又加祖乙復其祖

父通盤庚故十世祖乙居耿後奢侈踰禮

土地迫近山川嘗圮焉至陽甲立盤庚為

之臣乃謀徙居湯舊都

正義

于今五邦

湯自商徙亳數商亳囂相耿為五

正義

曰無或敢伏小人之攸箴

奢侈之俗小民咸苦之欲言于王今將屬

民而詢焉故敕以無伏之

正義

今汝聒聒

聒讀如聒耳之聒聒聒難告之貌

正義

予若觀火案周禮司燿注云燿讀如予若觀火之觀今燕俗名湯熱為觀則觀

火謂熱火與此可知鄭注之義

不昏則勞

昏讀為散散勉也正義三國志魏武紀注引作昏勉也

遲任有言

古之賢史正義

茲予大享于先王

大享謂烝嘗也周禮司

予告汝于難若射之有志

我告汝於我心至難矣夫射者張弓屬矢而志在所射必中然後發之為政之道亦如是也以已心度之可施於彼然後出之

正義

汝無侮老成人無弱孤有幼

老弱皆輕忽之意也正義

般庚中

般庚作

作渡河之具正義

殷降大虐

殷者將遷于殷先正其名號正義正

今予告汝不易

我所以告汝者不變易言必行之正義正

殷庚下

殷庚既遷奠厥攸居乃正厥位

徙主於民故先定其里宅所處次乃正其宗

廟朝廷之位正義正

綏爰有衆

爰於也安隱於其衆也

三國志魏武紀注

懋建大命

勉立我大命使心識教令常行之正義正

鞠人謀人之保居敘欽

鞠養言能謀養人安其居者我則次序而

而敬之正義正

高宗彤日

祖已日

謂其黨正義正

降年有永有不永非天天民民中絕命

年命者憊或作蠢愚之人尤惕焉故引以諫

王也正義

西伯戡黎

西伯既戡黎

周文王也時國于岐封為雍州伯也

二南譜正義引此句作文王為雍州之伯早麓正義引與譜正義同南兼梁

荆此四字見二南譜正義國在西故曰西伯二南譜正義引此曰作謂之入紂圻內並見正義

此無國字早麓正義引此曰作謂之

惟王淫戲用自絕故天弃我不有康食不虞天性不迪率典

王暴虐於民使不得安食逆亂陰陽不度

天在傲很明德不脩教王氏本作政法者史記殷紀

集解者字疑誤

微子

微子若曰父師少師

微子與紂同母當生微子母猶未正及生

紂時已得正為妻也故微子大而庶紂小

而嫡也父師者三公也時箕子為之奴少

師者大師之佐孤卿也時比干為之死也

皇氏論語
微子義疏箕子紂之諸父微箕俱在圻內

正義

凡有辜罪乃罔恒獲小民方與相為敵讎

凡猶皆也正義獲得也羣臣皆有是罪其爵

祿又無常得之者言屢相攻奪史記宋世家集解

我其發出往往今作狂此
見史記集解

發起也紂禍敗如此我其起作出往也史記

宋世家
集解

吾家耄遜于荒

耄昏亂也在家不堪昏亂故欲遜出于荒

野言愁悶之至詩云駕言出遊以寫我憂

亦此意也正義

若之何其

其語助也齊魯之間聲如姬禮記曰何居

史記宋世家集解

父師若曰

少師不荅志在必死正義史記宋世家集解

犧牲牲用

犧純毛牲體完具周官秋官犬人疏

用又讐斂

謂賦斂也釋文

周書

大誓

惟四月天子發上祭于畢下至于孟津之上

詩思文正義

孟津地名詩思文正義六軍之兵東行詩棫樸正義

文王受命武王伐紂時日皆用殷歷詩大明正義

義

正稽古立漢書平當傳作建功立事可以永年丕天

之大律漢書郊祀志平當傳永年下多傳于無窮四字

丕大也律法也後漢班固傳注

師尚父號曰史記周本紀

師尚父文王於磻溪或作谿所得聖人呂尚

立以為大師號曰尚父尊之詩大明正義號令

之軍法重者史記周紀集解

天子發升舟中流白魚入于王舟王跪取出

涖以燎之羣公曰休哉詩思文正義

白魚入舟天之端也魚無手足象紂無助

白者殷正也天意若曰以殷予武王當待

無助今尚仁人在位未可伐也得白魚之

瑞即變稱王應天命定號也涖涯也王出

于岸上燔魚以祭變禮也詩思文正義後漢杜篤傳注引

末七字

至于五日有火自上復于下至于王屋流之

為鵬其色赤其聲魄五至以穀俱來思文正義

五日燎後日數王屋所在之舍上流猶變

也鵬當為雅雅鳥也燎後五日而有火為

烏天報武王以此瑞書說曰烏有孝名武

王卒父業周紀索隱引此二句作鳥是孝鳥言武王能終父業周紀集解

引曰作云父故烏瑞臻赤者周之正色也

下有火字者及色也三字依史記增穀記后稷之德

又禮說曰武王赤烏穀芒應周尚赤用兵

王命曰為牟天意若曰須假紂五年乃可

誅之武王即位此時已三年矣穀蓋牟麥

也詩云貽我來牟詩思文正義

勉哉夫子

夫子丈夫之稱史記周紀集解

牧誓

時甲子昧爽武王朝至于商郊牧野乃誓今無

武字此見詩文王箋

詩云肆伐大商會朝清明詩大明正義郊外曰

野將戰于郊故至牧野而誓正義

武王左杖黃鉞右秉白旄以麾今無武字此見禮記明堂

注位

千夫長百夫長

師帥旅帥也正義

古人有言

以古賢之言為驗詩蕩正義

昏弃厥肆祀弗答昏弃厥遺王父母弟不迪

肆祀祭名此四字見詩離正義答問也王

父母弟祖父母之族必言母弟舉親者言

之也史記周紀集解誓首言此者神怒民怨紂所

以亡也正義迪道也言接之不以道也白帖

乃止齊焉

好整好暇用兵之術詩大明正義

不過四伐五伐今書作不愆于四伐五伐六伐七伐此見禮記樂記注案

鄭注云少者四伐多者五伐是鄭本無六伐七伐也

一擊一刺曰一伐詩維清序正義伐謂擊刺也始

前既敵六步七步當止齊正行列及兵相

接少者四伐多者五伐又當止齊正行列

也禮記曲禮正義

尙桓桓

威武貌史記周紀集解

如虎如貔如熊如羆

其威當如獸之將攫搏也禮記曲禮正義

弗禦克奔以役西土今作弗迓釋文云馬作禦云禁也鄭本與馬同

但義異耳

禦彊禦謂彊暴也克殺也不得暴殺紂師

之奔走者當以為周之役也史記周紀集解

爾所弗助

所言且也史記周紀集解

商容之表閭

商家典樂之官知禮容所以禮署稱容臺

史記殷本紀索隱案古文武成篇式商容之間式太史公作表一見於殷本紀一見於周本紀要皆本武成故附於牧誓之末

鴻範

帝乃震怒不畀鴻範九疇彝倫攸斁

帝天也天以鯀如是乃震動其威怒不與天道大法九類言王所問所由敗也史記宋世

家集解

鯀則殛死禹乃嗣興史記宋世

春秋傳曰舜之誅也殛鯀其舉也興禹史記宋世

家集解

初一日五行

行者言順天行氣永樂大典鑿字部

次三日農用八政

農讀為醜正義

次八曰念用庶徵

在天為五行在人為五事脩則休徵各以

其類應之五事失則咎徵各以其類應之

小學紺珠天道

一五行一曰水二曰火三曰木四曰金五曰

土

此數本諸陰陽所生之次也宋世家集解

二五事一曰貌二曰言三曰視四曰聽五曰

思

此數本諸陰陽昭明人相見之次也又見詩小

見正義五行傳曰貌屬木言屬金視屬火聽

屬水思屬土正義

貌曰恭言曰從視曰明聽曰聰思曰睿恭作

肅從作乂明作哲聰作謀睿作聖哲今作哲

睿通于政事詩凱風正義此恭明聰睿行之於

我身其從則是彼人從我以與上下違者

以當為似我是而彼從亦我所為不乖刺也正義

哲讀為愬

正義本譌哲依王氏改

皆謂其政所致也

詩正義無其也字

君貌恭則臣禮肅也

正義無此下五也字

君言從則臣職又

正義作治

也君視明則臣照

詩正義作昭

愬也君聽聰則臣進謀也君思睿

則臣賢知也

正義詩小見正義

三八政一曰食二曰貨三曰祀四曰司空五

曰司徒六曰司寇七曰賓八曰師

此數本諸其職先後之宜也食謂掌民食

之官若后稷者也貨掌金帛之官若周禮

司貨賄是也祀掌祭祀之官若宗伯者也

司空掌居民之官司徒掌教民之官也司

寇掌詰盜賊之官賓掌諸侯朝覲之官

字又見宋世家集解

周禮大行人是也師掌軍旅之

官

此五字又見宋世家集解

若司馬也

正義

四曰星辰

星五星也

正義宋世家集解

錫汝保極

又賜女以守中之道

宋世家集解

而畏高明

釋文云畏鄭音威

于其無好女雖錫之福其作女用咎

今書好下有德

字史記文如此據注義蓋與史同

無好於女家之人雖賜之以爵祿其動作

為女用惡謂為天子結怨於民

宋世家集解

無偏無黨

黨朋黨

宋世家集解

會其有極

謂君也當會聚有中之人以為臣也

宋世家集

解

歸其有極

謂臣也當就有中之君而事之

宋世家集解

一曰正直二曰剛克三曰柔克

正直中平之人克能也剛能柔能謂寬猛

相濟以成治立功

宋世家集解引中平至此剛能柔能作剛而能

柔柔而能剛則強柔則弱此陷於滅亡之

道非能也

詩鄭風羔裘正義

平康正直彊弗友剛克變友柔克

人臣各有一德天子擇使之安平之國使
中平守一之人治之使不失舊職而已國
有不順孝敬之行者則使剛能之人誅治
之其有中和之行者則使柔能之人治之
差正之正義

惟辟作福惟辟作威惟辟玉食

此凡君抑臣之言也作福專爵公羊疏賞

也此下三也字作威專刑罰也玉食備珍

美也依史記注增公羊成元年疏宋
世家集解無首句

其害于而家凶于而國

害于女家福去室凶于女國亂下民公羊

成元年

七稽疑擇建立卜筮人

言將考疑事選擇可立者立為卜人筮人

正義

乃命卜筮曰雨曰濟曰圉曰蠱曰剋曰貞曰

悔凡七卜五占用二衍賁今書濟作霽圉作

此見大卜注賁今

卜五占之用謂雨濟圍蠱剋也二衍貞謂
貞悔也將立卜筮人乃先命名兆卦而分
別之兆卦之名凡七龜用五易用二審此
道者乃立之也雨者兆之體氣如雨然也
濟者如雨止之雲氣在上者也圍者色澤
而光明也蠱者氣不釋鬱冥冥也剋者如
稜氣之色相犯也正義引注云濟如雨止者雲在上也圍言色澤
光明也蠱者氣澤鬱鬱冥冥也剋者如雨氣色相侵入卜五占用謂雨濟蠱圍剋也
二衍貞謂貞悔也周禮大卜疏引注云曰雨者兆之體氣如雨氣然曰濟者兆之光

明如雨止曰蠱者氣不澤鬱冥也曰圍者
色澤者曰剋者氣色相犯入詩載驅正義
引色澤光內卦曰貞貞正也外卦曰悔悔
明四字
之言晦也晦猶終也此句又見正義卦言晦下無也字
象多變故言衍貞也宋世家集解

立時人作卜筮三人占則從二人之言

立是能分別兆卦之名者以為卜筮人卜

筮各三人大小掌三兆三易卜筮人下十字見儀禮

士喪禮疏從其多者著龜之道幽微難明慎之

深宋世家集解

謀及卿士

卿士六卿掌事者正義

女則從龜從筮從卿士逆庶民逆吉卿士從

龜從筮從女則逆庶民逆吉庶民從龜從筮

從女則逆卿士逆吉

此三者皆從多故為吉宋世家集解

女則從龜從筮逆卿士逆庶民逆作內吉作

外凶

若一吉一凶雖筮逆猶得卜之也禮記曲禮正義

此逆者多以故舉事於境內則吉境外則

凶宋世家集解

龜筮共違于人用靜吉用作凶

龜筮皆與人謀相違人雖三從猶不可以

舉事宋世家集解

八庶徵曰雨曰暘曰燠曰寒曰風

雨木氣也春始詩正義施生故木氣為雨

暘金氣也秋物成而堅故金氣為暘為雨為暘

下詩正義燠火氣也寒水氣也風土氣也並有也字

凡氣非風不行猶金木水火非土不處故

詩正義土氣為風正義詩漸漸之石正

義庶衆也徵驗也謂衆行得失之

詩雨若

若順也詩正月正義

曰咎徵

五事不得則咎氣來順之詩正月正義

曰狂恒雨若

狂倨慢正義恒常也公羊成元年疏

曰舒

今作豫正義云鄭本作舒

恒燠苦

舒舉遲也正義言人君舉事太舒則有常燠

之咎氣來順之公羊成元年疏

曰急恒寒若

急促自用也正義言由君急促太酷致恒寒

之氣來順之詩正月正義

曰霽

史記作霧漢書作霽按大傳作霽故從之

霽聲近蒙

爾雅釋天疏見冒亂也正義

曰王省惟歲卿士惟月師尹惟日歲月日時

無易百穀用成又用明俊民用章家用平康
日月歲時既易百穀用不成又用昏不明俊
民用微家用不寧

所以承休徵咎徵言之者休咎五事得失
之應其所致尚微故大陳君臣之象成皇
極之事其道得則其美應如此其道失則
敗德如彼非徒風雨寒燠而已

正義

星有好風星有好雨

箕星好風者箕東方木宿風中央土氣木

克土為妻從妻所好故好風也畢星好雨
者畢西方金宿雨東方木氣金克木為妻
從妻所好故好雨也

正義

中央土氣為風東

方木氣為雨箕屬東方木木剋土土為妃
尚妃之所好故箕星好風也西方金氣為
陰剋東方木木為妃畢屬西方尚妃之所
好故好雨也

禮記月令正義周禮大宗伯疏引云箕星好風畢星好雨

是土十為木八妻木八為金九妻風土也

故東方箕星好風西方畢星好雨
為木妃雨木也為金妃故星好焉推此而

往則南宮好暘北宮好燠中宮四季好寒

也是由巳所刻而得其妃從其妃之所好

故也詩漸漸之石正義則字依正義及宗伯疏增正義引無而往二字寒下無

也字是由句作以各向妻之所好故也宗伯疏引亦無而往二字北宮句在南宮句

上中宮作中央是由句作皆是所刻為妻

日月之行則有冬有夏月之從星則以風雨

四時之間合於黃道也禮記月令正義春秋緯云

月離于箕則風揚沙不言日者日之從星

不可見故也正義

九五福一曰壽二曰富三曰康寧四曰攸好

德五曰考終命

此數本諸其尤者福是人之所欲以尤欲

者為先極是人之所惡以尤所不欲者為

先以下緣人意輕重為次耳正義康寧人平

安也宋世家注引此句無人也二字攸好德人皆好有德

也此六字又見正義人作民考終命考成也終性命謂

皆生佼好以至考也此五者皆是善事自

天受之故謂之福福者備也備者大順之

總名 詩既醉正義

六極一曰凶短折二曰疾三曰憂四曰貧五

曰惡六曰弱

未斃曰凶未冠曰短未昏曰折

宋世家集解周禮司

關愚懦不壯毅曰弱

宋世家集解正義無壯字

凶短折

皆是天枉之各凶短折思不睿之罰疾視

不明之罰憂言不從之罰貧聽不聰之罰

惡貌不恭之罰弱皇不極之罰反此而云

王者思睿則致富聽聰則致富視明則致

康寧言從則致攸好德貌恭則致考終命

所以然者不但行運氣性相感以義言之

以思睿則無壅神安而保命故壽若蒙則

不通殤神天性所以短折也聽聰則謀當

所求而會故致富違而失計故貧也視明

照了性得而安寧不明以擾神而疾也言

從由於德故好者德也不從而無德所以

憂耳貌恭則容儼形美而成性以終其命

容毀故致惡也不能為大中故所以弱也

正義故所以
三字疑有誤

金滕

二公曰我其為王穆卜周公曰未可以戚我

先王

二公欲就文王廟卜

史記魯世家集解戚憂也

字又見史
記集解

周公既內知武王有九齡之命

又有文王曰吾與爾三之期今必廖不以

此終故止二公之卜云未可以憂怖我先

王也

正義史記集解引未旬無
以字也字則依彼注增

為三壇同墀

時為壇墀于豐壇墀之處猶存焉

正義

植璧秉圭

植古置字

正義詩
那正義

史乃冊祝

冊周公所作謂簡書也三十字一簡之文

此七字見
聘禮疏

祝者讀此簡書以告三王

魯世家集

解

惟爾元孫某

諱之者由成王讀之也正義正

是有丕子之責于天

不讀曰不愛子孫日子元孫遇疾若汝不

救是將有不愛子孫之過為天所責欲使

為之請命也正義案釋文云丕鄭音不與正義合史記魯世家索隱引

鄭注云不讀曰負未詳何以異

無墜天之降寶命我先王亦永有依歸

降下也寶猶神也有所依歸為宗廟之主

也魯世家集解

開籥見書乃并是吉開今作啟此見周禮卜師注

籥開藏之管也開兆書藏之室以管乃復

見三龜占書亦合於是吉正義正

周公曰今無周此見禮記玉藻注體王其無害無今作罔此見周禮

古人注及禮記玉藻注

茲攸俟能念予一人

茲此也魯世家集解

乃納冊于金滕之匱中

滕束也凡藏祕書藏之于匱必以金緘其

表正義

武王既喪管叔及其羣弟乃流言于國曰公將不利於孺子

文王十五生武王九十七而終終時武王

八十三矣已上又見詩文王序正義於文王受命為七

年後六年伐紂後二年有疾疾瘳後二年

崩崩時年九十三矣詩幽譜正義管國名叔字

周公兄武王弟七月序正義無此六字封於管羣弟

蔡叔霍叔武王崩周公免喪服意此二字依七月

序正義欲居攝七月正義小人不知天命而

非之故流公將不利於孺子之言于京師

正義止引孺子謂七月序正義無謂字成王也詩邶

此十三字諸七月序兩正義

我之弗辟我無以告我先王

我今不遯孺子而去我先王以謙讓為德

我反有欲位之謗無怨於我先王怨於當作以告

言愧無辭也七月序正義

周公居東二年則罪人斯得

居東者出處東國待罪以須君之察已月七

序正義 罪人周公之屬黨與知居攝者幽譜正義

無黨居 周公出皆奔今幽譜正義 二年盡無今字

為成王所得詩鴟鴞序正義 謂之罪人史書

成王意也罪其屬黨言將罪之鴟鴞正義

于後公乃為詩以怡今作 王名之曰鴟鴞王

亦未敢誚公

于二年後也幽譜正義 怡悅也周公傷其屬黨

無罪將死恐其刑濫又破其家而不敢正

言故作鴟鴞之詩以怡王今幽風鴟鴞也

鴟鴞序正義 鸞子斥成王成王非周公意未解

今又為罪人言欲讓之推其恩親故未敢

鴟鴞正義

秋大孰未穫

秋謂周公出二年之後明年秋也幽譜正義

王與大夫盡弁開金滕之書今作以啟金滕之書此見周禮

注 古人

弁爵弁正義 天子諸侯十一而冠詩芄蘭正義引此句

作人君十二而冠佩為成人成王此年十五於禮已冠

必疏作而此爵弁者承天變故降服也穀

文十二年疏正亦如國家失道焉開金滕

之書者省察變異所由故事也自必爵弁

義

乃問諸史與百執事

問者問審然否也魯世家

王執書以泣

泣者傷周公忠孝如是而無知之者魯世家

解

惟朕小子其新迎我國家禮亦宜之

新迎改先時之心更自新以迎周公於東

征之歸尊任之詩東山

王出郊大乃雨反風禾則盡起

易傳云陽感天不旋日陽謂天子也天子

行善以感天下不迴旋經日正義

凡大木所偃盡起而築之

築拾也禾為大木所偃者起其木拾下禾

無所亡失正義

歲則大孰

文王崩後明年生成王則武王崩時成王
年十歲服喪三年畢成王年十二明年將
踐阼周公欲代之攝政羣叔流言周公辟
之居東都時成王年十三也居東二年成
王收捕周公之屬黨時成王年十四也明
年秋大孰遭雷風之變時周公居東三年
成王年十五迎周公反而王氏居攝之

元年也

文王世子正義幽譜正義引無此

後三年出五年秋居攝四年封康叔作康

反而居攝十七字誥幽譜正義無居攝封康叔五字五年作召誥七年作洛

誥伐紂至此十六年也作康誥時成王年

十八文王世子正義無五年至康誥時二

十二字成王句首有是字十八下有也故書傳云天子大子十八稱孟侯居攝

七年此十七字幽譜正義無洛誥時成王文王世子正義無洛

誥時三字幽譜正義無成王二字年二十一也明年成王

即政時幽譜正義無明年成王四年二十

二也詩幽譜正義禮記文王世子正義幽譜正義年二十二也下有然則成王以文王終明年生也十二二字案此注知在此篇末者詩文王序正義云

大誥

王若曰大誥猷爾多邦今作猷大誥正義云鄭本猷在誥下越

乃御事乃今作爾此見詩思齊箋禮記曲禮注

王謂正義無謂字周公也周公明堂位正義無此三字居

攝命大事則權稱王也正義禮記明堂位正義正義無也字

弗弔天降害于我家不少延害今作割孔以不少絕句

害不少乃延長之正義

寧王遺我大寶龜紹天明即命

受命曰寧王承平日平王詩何彼禮矣正義時既

卜乃後出誥故先云然正義

西土人亦不靜越茲蠹

周民亦不定其心騷動言以兵應之正義

殷小腆

腆謂小國也正義

知我國有疵

知我國有疵病之瑕正義

朕卜并吉

卜并吉者謂三龜皆從也正義

爾庶邦君越庶士御事罔不反曰艱大

汝國君及下羣臣不與我同志者無不反

我之意云三監叛其為難大正義

若考作室既底法厥子乃弗冑堂矧冑構厥

考翼其冑曰我有後弗奔基今無厥考下十字正義云鄭

本有此一經此十二字文王有聲箋亦引之

其父敬職之人其冑曰我有後子孫不廢

康誥

奔我基業乎詩文王有聲正義

惟三月哉生魄周公初基作新大邑于東國

洛四方民大和會

此時未作新邑基謀正義岐鎬之域大司樂疏無此

二處五岳之外周公為其天官疏無於政

不均故東行于洛邑令司徒疏司樂疏並作諸侯

謀作天子之居周禮冢宰序官大司樂疏所引並正此四方

民間之同心王氏本無來會樂即功作効

其力焉是時周公居攝四年也周禮大隆司徒疏

本已至詩芣苢正義

侯甸男邦采衛

不見王氏本作言要服者以遠於役事而恒闕

焉正義

乃洪大誥治

洪為代言周公代成王誥正義

王若曰孟侯

總告諸侯依畧說太子十八為孟侯而呼

成王

由古先哲王

虞夏也正義

恫瘝乃身

刑罰及已為痛病正義

非汝封又曰劓刵人

劓臣從君坐之刑正義

矧惟外庶子訓人

訓人師長正義

惟文王之敬忌

祗祗威威是也正義

迪吉康孔傳民迪連訓正義云鄭以迪屬下

酒誥

成王若曰明大命于妹邦今無成正義云鄭本有成字

成王所言成道之王正義王氏本作成王之道云應麟案詩成

王不敢康與此同異妹邦者紂之都所處也詩邶鄘

義引此句無於詩國屬鄘故其風有沫之衛譜正

鄉則沫之北沫之東朝歌也詩桑中其民正義

尤化紂嗜酒今祿父見誅康叔為其連屬

之監邶鄘衛譜正義正義止引連屬之監四字伐木正義引末句無其字

爾尙克羞饋祀

助祭於君正義

罔敢酒于酒

飲酒齊色曰酒詩蕩正義賓筵正義引無首二字

矧大史友內史友

大史內史掌記言記行禮記玉藻正義

服休服采

服休燕息之近臣服采朝祭之近臣正義

若鬻圻父鬻今作疇

順鬻萬民之圻父圻父謂司馬主封畿之

事詩圻父正義

有斯明享

斯析也詩墓門釋文

梓材

以厥庶民暨厥臣達大家以厥臣達王惟邦

君

於邑言達大家于國言達王與邦君王為

二主之後正義

戕敗人宥

戕殘也周禮大司馬疏

無胥戕無胥虐

無相殘賊無相暴虐周禮大司馬疏

惟其塗丹雘

山海經云青邱之山多有青雘正義

召誥

惟二月既望

是時周公居攝五年

周禮大司徒疏

二月當為一

月不云正月者蓋待治定制禮乃正言正

月故也

詩文王正義

王朝步自周則至于豐

於此從鎬京行至于豐就告文王廟

詩王城譜

正義告文王廟四字又見曲禮正義

告文王則告武王可知

曲禮正義

步行也堂下謂之步豐鎬異邑而言

步者告武王廟即

王氏云一作則

行出廟入廟不

以遠為文

此九字又見曲禮疏

恭也

魯世家集解末句或作不以為

遠為父恭也

惟大保先周公相宅越若來三月

相視也

魯世家集解

二月當為二月

詩文王正義

攻位于洛汭

汭隈曲中也

正義

周公朝至于洛

史不書王往者王於相宅無事也

正義

大保乃以庶邦家君出取幣乃復入錫周公

召公見衆殷之民大作周公德隆功成有
反正之期而欲顯之因大戒天下故與諸
侯出取幣使戒成王立于位以其命賜周
公所賜之幣蓋璋以皮及寶玉大弓此時
改厥元子

言首子者凡人皆云天子之子天子為之首

耳正義

厥終智藏瘵在

瘵病正義

面稽天若

面猶迴向也正義

自服于土中

自用正義

拜手稽首曰我予今作小臣敢以王之讎民百

君子

拜手稽首曰召公既拜興曰我小臣以下
言召公拜訖而復言也百君子王之諸侯

與羣吏

正義正

洛誥

予惟乙酉朝至于洛師我卜河朔黎水我乃
卜澗水東灑水西惟洛食我又卜灑水東亦
惟洛食

我以乙酉日至于洛邑之衆觀召公所卜
之處皆可長久居民使服田相食灑水東
既成名曰成周今洛陽縣是也召公所卜
處名曰王城今河南縣是也

詩玉城先卜
譜正義

河北黎水者近於紂都爲其懷土重遷故
先卜近以悅之

書正義云顧
氏用鄭說

佯來來

佯來來者使二人也

正義正

王肇稱殷禮

王者未制禮樂恒用先王之禮樂伐紂以
來皆用殷之禮樂非始成王用之也周公
制禮樂既成不使成王卽用周禮仍令用
殷禮者欲待明年卽政告神受職然後頒

行周禮頌訖始得用周禮故告神且用殷

禮也正義猶用殷禮者至成王即位乃用周

禮禮記明堂位正義

孺子其朋

孺子幼少之稱謂成王也正義

享多儀儀不及物惟曰不享

朝聘之禮至大其禮之儀不及物謂所貢

篚王氏本下多而威儀簡也威儀既簡亦

是不享也正義

乃惟孺子頌朕不暇

成王之才周公倍之猶未而言分者誘掖

之言也正義

汝乃是不獲

獲勉正義

旁作穆穆迓衡釋文云迓鄭音魚據反疑鄭本作御

稱上曰衡文選六代論廣絕交論注

亦未克救公功

救安也周禮小祝疏

承保乃文祖受命民越乃光烈考武王

文祖者周曰明堂以稱文王是文王德稱

文祖也

詩維天之命正義

烈威

詩雖正義王氏本威作成

考朕昭子刑乃單文祖德

成我所用明子之法度者乃盡明堂之德

明堂者祀五帝太皞之屬為用其法度也

周公制禮

王氏本無禮字

六典就其法度而損益

用之

詩維天之命正義

乃命寧

周公謂文王為寧王成王亦謂武王為寧

王此一名二人兼之

詩何彼禮矣正義

曰明禋拜手稽首休享子不敢宿則禋于文

王武王

禋芬芳之祭

周禮大宗伯疏

曰明禋者六典成祭

于明堂告五帝大皞之屬也既告明堂則

復禋于文武之廟告成洛邑

正義

王在新邑烝祭

正義云鄭以烝祭上屬

歲文王駢牛一

武王駢牛一王命作冊逸祝冊惟告周公其

後

歲成王元年正月朔日也

成王至朔日八字又見正義

用二特牛祫祭文王武王

闕宮正義無二字

于文

王廟使史

闕宮正義無史字

逸讀所作

烈文正義無作字

冊祝之書告神以周公其宜立為後者

烈文

正義無立者二字闕宮正義無立字

謂將

烈文

正義大宗伯疏無以其為者四字

封伯禽也

闕宮正義無也字詩烈文正義闕宮

正義引止此魯頌譜正義引謂將封伯禽也六字

是非時而特假

祖廟故文武各特牛也

大宗伯疏引告神以下至末

惟周公誕保文武受命惟七年

文王得

中庸正義作受

赤雀武王俯取白魚皆七

年

詩文王序正義禮記中庸正義

文武受命七年而崩周

公不敢過其數也

周禮冢宰序官疏釋文引作文王武王受命及

周公居攝皆七年

多士

惟三月周公初于新邑洛用告商王士

成王元年三月周公自王城初往成周之

邑用成王命告殷之衆士以撫安之

正義

非我小國敢翼殷命

翼今作弋釋文馬本作翼

翼猶驅也

此句又見騶虞正義

非我周敢驅取汝殷

之王命

正義

肆予敢求爾于天邑商

言天邑商者亦本天之所建

正義

無逸

周公曰嗚呼君子所其無逸

嗚呼者將戒成王欲求以深感動之君子

止謂在官長者所猶處也君子處位為政

其無自逸豫也

正義

昔在殷王中宗儼恭寅畏

儼今作嚴釋文云馬作儼鄭蓋與馬

同

中宗謂大戊也

詩商譜正義

恭在貌敬在心

正義

其在高宗時舊勞于外爰泊

今作暨

小人作其

即位乃或諒闇三年不言其惟不言言乃雍

諒闇今作亮陰

高宗謂武丁也舊猶久也爰於泊與也武

丁為太子時殷道衰為其父小乙將師役

於外魯世家集解引其父小與小人之故

言知其憂樂也作起也諒闇轉作梁闇楣

謂之梁闇謂廬也此入字又見魯世家集解詩正義無廬上謂字

小乙崩武丁立憂喪三年之禮居倚或作凶

廬拄楣不言政事詩商譜正義其不言之時時

有所言則羣臣皆和諧正義案史記魯世家雍作謹與檀弓

坊記同集解引鄭曰謹喜悅也言乃喜悅則民望其言久矣與書疏所引鄭注不同

者是檀弓注又鄭注坊記云謹當為歡聲之誤也其既言天下皆歡喜樂其政教也

或今文作歡古文作雍

至于小大無時或怨

小大謂萬民上及羣臣言人臣小大皆無

怨王也正義

其在祖甲不義惟王舊為小人

祖甲武丁子帝甲也此八字又見魯世家集解有兄祖

庚賢武丁欲廢兄立弟祖甲以此為不義

逃於人間故云久為小人正義

文王受命惟中身

中身謂中身受命謂受殷王嗣立之命詩文

王序正義正義引止
末七字而立作位

則其無淫于觀

淫放恣也淫者侵淫不止正義

則皇自敬德

皇暇言寬暇自敬正義

不啻不敢含怒

不但不敢含怒乃欲屢聞之以知已政得

失之源也正義

君奭

我不敢知曰厥基永孚于休若天棗忱我亦

不敢知曰其終出于不祥

言與君奭同知舉其殷興亡為戒正義

又曰天不可信我道惟寧王德延

又曰人又云周公稱人之言也言寧王者

即文王也正義

我聞在昔成湯既受命時則有若伊尹格于

皇天在太甲時則有若保衡

伊尹名摯湯以為阿衡以尹天下故曰伊

尹長發正義無此八字至大甲改曰保衡阿衡保衡

皆公官蕩正義無此七字然則伊尹摯阿衡保衡

一人也詩蕩正義長發正義蕩正義無然摯阿衡四字皇天北極

大帝也燕世家集解周禮大宗伯疏阿倚衡平也伊尹

湯所依倚而取平至太甲改曰保衡保安

也言天下所取安所取平此皆三公之官

當時為之號也正義

時則有若伊陟臣扈格于上帝

伊陟伊尹之子詩蕩正義上帝大微中其所統

也燕世家集解

天壽平格

專言臣事格謂至于天也正義

亦惟有若虢叔有若閔天有若散宜生有若

泰顛有若南宮适

詩傳說有疏附奔走先後禦侮之人而曰

文王有四臣以受命此之謂也不及呂望

者此字依正義增大師也正義無也字教文王以大德

周公二字依正義增謙不以自比焉詩縣正義書正義引不及

呂望者已下末句
作謙不可以自比

文王蔑德

蔑小也

正義

武王惟茲四人

至武王時號叔等有死者餘四人也

正義

考造德不降我則鳴鳥不聞矧曰其有能格
考老也造成也詩云小子有造老成德之
人不降志與我並在位則鳴鳥之聲不得
聞況乃曰有能德格于天者乎言必無也

鳴鳥謂鳳也

三國志魏
管寧傳注

告君乃猷裕

召公不說似隘急故令謀於寬裕也

正義

海隅出日罔不率俾

率循也俾使也四海之隅日出所照無不

循度而可使也

三國志魏
武紀注

惟乃知民德

召公是時意說周公恐其復其說故依違

託言民德以剴切之

正義

多方

惟五月丁亥王來自奄

奄國在淮夷之旁周公居攝之時亦叛王

與周公征之三年滅之自此而來歸詩幽譜正

義

因狎于內亂

狎今作甲正義云鄭以甲為狎

習為鳥獸之行於內為淫亂夏正義

天惟五年須夏之子孫夏今作暇

夏之言暇天覬紂能改故待暇其終至五

年欲使復傳子孫

武正義無首句無覬紂能改故五字無復字

五年者文王受命

皇矣正義無受命二字 八年至十

三年也

詩皇矣正義武正義無也字

王惟求爾多方大動以成開厥顧天惟爾多

方罔堪顧之惟我周王靈承于旅克堪用德

顧由視念也其意言天下災異之威動天

下之心開其能為天以視念者眾國無堪

為之惟我周能堪之詩譜序正義

離逖爾土

分離奪汝土也正義

立政

宅乃牧

殷之州牧曰伯彛夏及周日牧正義

三亳阪尹

三亳者

正義無此三字

湯舊都之民服文武者

正義

義無此四字

分

三邑其長居險故云

正義

阪

尹蓋東成

南轅轅西降谷也

正義詩玄鳥正義

顧命

惟四月哉生魄

此成王二十八年

正義

居攝六年為年端

詩烈

文正義

王乃洮頰水

澣衣

三國志吳虞翻傳注云翻奏鄭注違失事因成王疾困憑凡洮頰為澣衣

成事洮字虛更作濯以從其非

相被冕服

相者正王服位之臣為大僕冕玄冕

正義

乃同召大保奭芮伯彤伯畢公衛侯毛公

芮伯入為宗伯畢公入為司馬詩桑柔公正義

兼官以六卿為正次詩淇奧正義

爾尚明時朕言用敬保元子釗

時是也元子釗康王名也御覽皇親部十二

爾無以釗助贛于非幾助贛今作肩貢釋文說鄭本作助贛

出綴衣于庭

連綴小斂大斂之衣于庭中周禮幕人疏

越七日癸酉

癸酉蓋大斂之明日也正義

敷重篋席黼純華玉仍几

不用生時席新鬼神之事故也禮記禮篋器正義

析竹之次青者華玉五色玉也正義

西序東嚮敷重底席

此旦夕聽事之坐底致也篋織致席也正義

敷重豐席畫純

豐席刮漉竹席畫純以雲氣畫之為緣正義

敷重筍席玄紛純

筍析竹青皮也禮記曰如竹箭之有筠禮記

禮器正義以玄組為之緣正義

陳寶赤刀大訓弘璧琬琰在西序大玉夷玉
天球河圖在東序允之舞衣大貝鼗鼓在西
房兌之戈和之弓垂之竹矢東房

陳寶者方有大事以華國也赤刀者武王

誅紂時刀赤為飾周正色周禮疏止武王誅紂赤刀為飾

八大訓者謂正義無者字周禮法先王德

周禮疏教即虞書典謨是也正義無此七字弘璧

弘大也正義無此五字大璧琬正義作大琰皆度周禮疏無

度尺二寸者大玉華山之球也周禮疏無也字夷

玉東北之珣玕琪也周禮疏作天球雍州

所貢之玉色如天者三者正義無三者周禮疏天下無者

字皆璞未見琢治故不以禮周禮疏器名

之正義引河圖圖出於河水帝王聖者所

受三國志管寧傳注引此二句脗也和也

垂也皆古人造此物者之名鼗鼓大鼓也

此鼗非謂考工記鼗鼓長八尺者若是周

物何須獨寶守明前代之物與周鼗鼓同

名耳大貝者書傳曰散宜生之江淮之浦

取大貝如車渠是也

大訓以下並周禮天府疏

大路在賓階面贅路在阼階面先路在左塾之前次路在右塾之前

大路玉路贅次次在玉路後謂玉路之貳

也先路象路門側之堂謂之塾謂在路門

內之西北面與玉路相對也象路之貳與

玉門之貳相對在門內之東北面

周禮典

不陳金路革路木路者主於朝祀而已

正義

案書正義說鄭以先路為金路次路是金路之貳與典路疏引鄭注不同故此不陳金路作不陳象路據注云主於朝祀則玉路以祀路以朝典路疏所引為是故此亦

俱彼疏改

二人雀弁執惠立于畢門之內四人騏弁執

戈上刃夾兩階阼一人冕執劉立于東堂一

人冕執鉞立于西堂一人冕執戣立于東垂

一人冕執瞿立于西垂一人冕執銳立于側

階

赤黑曰雀言如雀頭色也雀弁制如冕黑

色但無藻耳青黑曰騏

正義本作基此依鳴鳩正義此四字

又見詩出其東門正義鳴鳩正義駟

詩云

我馬維騏

此六字見駟正義

惠狀蓋斜刃宜芟刈

戈卽今之鉤子戟劉蓋今鑿斧鉞大斧殘

瞿蓋今三鋒矛銳矛屬凡此七兵或施矜

或著柄周禮戈長六尺六寸其餘未聞長

短之數序內半以前曰堂側階東下階也

正義

王麻冕黼裳

麻冕三十升布冠也

御覽服章三

黼裳者冕服

有文者也

正義

卿士邦君麻冕蟻裳入卽位

蟻謂色玄也

御覽服章三

卿西面諸侯北面

正義

上宗奉同瑁

上宗猶大宗變其文者宗伯之長大宗伯

一人與小宗伯二人凡三人使其上二人

也一人奉同一人奉瑁

正義

同酒杯

三國志吳志虞

翻傳注翻奏玄以康王執瑁古月似同從誤作同既不覺定復訓爲杯謂之酒杯

大史秉書由賓階階御王冊命

御猶嚮也王此時正立賓階上少東大史東面於殯西南而讀策書以命王嗣位之

事正義

乃受同瑁王三肅三祭三咤

王既對神則一手受同一手受瑁徐行前

曰肅卻行曰咤王徐徐行前三祭又三卻

復本位正義

大保受同祭臚

卽位必醴之者以神之臚成之也以醴臚

成之者醴濁飲至齒不入口曰臚既居重

喪但行其禮而不取其味通典禮三十

皆布乘黃朱賓稱奉圭兼幣

此幣圭以馬蓋舉王者之後以言耳諸侯

當璧以帛亦有庭實此此字今正義無朝依王氏本增

兼享禮也與常禮不同釋辭者一人其餘

奠幣拜者拜者當為者拜稽首而已正義

康王之誥

王若曰庶邦侯甸男衛正義云馬鄭王本此

內於顧命王若曰以下始為康王之誥

獨舉侯甸男衛四服者周公居攝六年制

禮班度量至此積三十年再巡守餘六年

侯甸男要服正朝要服國遠既事遣之衛

皆服前冬來以王有疾雷之詩周頌譜正義明堂位正義引

康王之誥注云攝政六年頒度量制其禮樂成王即位乃始用之

羣公既皆聽命王若曰

羣公主謂諸侯與王之三公諸臣亦在焉

正義

王釋冕反喪服

王釋冕反喪服朝臣諸侯亦反喪服禮喪

服篇臣為君諸侯為天子皆斬衰正義

柴誓

人無譁

人謂軍之士眾及柴地之民正義伯禽率七

百里之內附庸諸侯康誥正義

善穀乃甲冑敵乃干無敢不弔

穀謂穿徹之敵猶繫也吊至猶善也正義正

今惟淫舍牯牛馬廩乃獲斂乃阱斂今作杜阱今作奔

此見周禮雍氏注

牯桎梏之桎施牯於牛馬之腳使不得走

失山林之田春始穿地為阱或設獲其中

以遮獸獲柞鄂也正義正

馬牛其風臣妾逋逃

風走逸臣妾廝役之屬也魯世家集解

無敢寇攘

寇劫取也因其亡失曰攘詩蕩正義魯世家集解亡失作

亡失

汝則有無餘刑非殺

無餘刑非殺者謂盡奴其妻子不遺其種

類在軍使給廝役反則入於罪隸春稟不

殺之正義正

時乃芻芟

芟乾芻也正義正

呂刑

度作詳刑以詰四方今無詳此見周禮大宰大司寇注

蚩尤惟始作亂

蚩尤霸天下黃帝所伐者學蚩尤為此者

九黎之君在少昊之伐也正義

鴟義姦宄奪攘擄虐橋今作矯此見司刑注

盜賊狀如鴟梟鈔掠良善劫奪人物正義有

因而盜曰攘擄虐謂撓擾春秋傳虐劉我

邊陲謂劫奪人物以相撓擾也周禮司刑疏

苗民弗用靈制以刑

苗民謂九黎之君也九黎之君於少昊氏

衰而奔善道上效蚩尤重刑必變九黎言

苗民者有苗正義無已上即此字依九黎

之後顛頊代少昊正義無此三字誅九黎分流二

正義其子孫為君子西裔者正義無此六字為三

國緇衣正義無為字至正義無高辛之衰又

復九黎之君正義無君字惡堯與又誅之堯末

又在朝舜臣堯臣堯緇衣正義作時又竄之後禹攝

位又在洞庭逆命禹又誅之穆禹攝已下十四字緇

衣正王深惡此族三生凶惡故著其惡義無

正義引而謂之民正此民者冥也言未見

仁道禮記緇衣正義及書正義

爰始注為劓刑椽黥越茲麗刑并制罔差有

辭

劓斷耳劓截鼻椽謂椽破陰黥謂羈隸人

面苗民大為此四刑者言其特深刻異於

臯陶之為正義越於也茲此也麗施也於此

施刑并制其無罪者詩正月正義

皇帝哀矜庶戮之不辜報虐以威遏絕苗民

無世在下乃命重黎絕地天通罔有降格

皇帝哀矜庶獄之不辜至罔有降格皆說

顓頊之事乃命重黎即是命重黎非義和

也正義

皇帝清問下民鰥寡有辭于苗

皇帝清問以下乃說堯事顓頊與堯再誅

苗民故上言遏絕苗民下云有辭于苗異

代別時非一事也正義

折民惟刑

釋文折鄭音惹

自作元命

大命謂延期長久也

正義正

上帝不蠲降咎于苗

天以苗民所行腥臊不絜故下禍誅之

正義正

庶有格命

格登也登命謂壽考者

正義正

有邦有土告爾詳刑

詳今作詳

詳審察之也

後漢劉愷傳注

五刑之疑有赦五罰之疑有赦

不言五過之疑有赦者過不赦也禮記云

凡執禁以齊眾者不赦過

正義正

其罰百鍰

鍰稱輕重之名今代東萊稱或以大半兩

為鈞十鈞為鍰鍰重六兩大半兩鍰鈔似

同也或有存行之者十鈞為鍰二鍰四鈞

而當一斤然則鍰重六兩三分兩之二周

禮謂鍰為鈔

正義正

文侯之命

王若曰父義和

義讀為儀儀仇皆訓匹也故名仇字儀

正義正

亦惟先正

先正先臣謂

或作

公卿大夫也

三國志魏武紀注文

選九錫

文注

簡恤爾都

都國都也鄙邊邑也言都不言鄙由近以

及遠也

正義正

秦誓

公曰嗟我士

誓其羣臣下及萬民獨云士者舉中言之

正義正

其心休休焉

休休寬容貌

禮記大學釋文

其亦木亦識

其亦木亦識

其亦木亦識

其亦木亦識

其亦木亦識



卷之三

三

三